

二
知
軒
詩
鈔

二知軒詩鈔卷十一

定遠方濬頤子箴

古今體詩一百七十六首

癸亥五月至十二月

蘇廣堂前輩奉 召入都過韶相見甚驩別後至

樂昌惠書並賜詩二首卽和原韻寄懷

武溪波漲送春寒惜別偏忘行路難落月停雲新入詠

黃門玉署舊同官功高粉社邀 宸眷老戀芸編得古

歡先生家居久辦鄉團屢主講席那意篷窗親晤對清風亮節肅瞻觀

壓倒巴人下里歌

予以拙集就正

雄才卓犖抗陰何豈徒驚掖

文章貴自是龍巖秀氣多有客推敲在僧寺

先生索何貞翁和詩

故
媿予飢餒忝詞科白頭共羨承
恩握策馬重登督
亢坡

附原作

蘇廷魁

越絕烽炎海瘴寒
弦歌劍佩置身難
林居漫領三山長
朝命重徵五品官
平世簫韶懷古蹟
春風繡斧結新歡
駐舟不爲貪程去
雲錦千機且縱觀

張王樂府發悲歌
目斷江南恨若何
爲數班聯優客老
得紆籌策羨君多
風雲氣短從三仕
師友源長到六科
雙闕浮空援鳥嘯
會當觴次憶

東坡

君同出何文安公門先後十年同官職乃今始相見子貞復過韶聞此能忽然耶

挽張小浦先生用少陵留花門詩韻

西臺風憲長臨難殊斷決捐軀衛桑梓壬戌夏五月吁
嗟久用兵王師勞捷伐往者撫江右捍守功卓絕青雲
偶顛躓終始戀魏闕經緯貫文武醞釀胸有物黃山白
嶽間野人來獻日淒然動孝思歸踏灞橋雪氛侵倏四
起寒笳響嗚咽構釁等滇池強項不爲折心侔鐵石堅
躬比圭璧潔慟矣蒼頭鎮成仁勇何烈一死報朝廷
遑暇計家室天南揮老淚鵠原風瑟瑟

令兄少蓮丈以挽詩見示

得子貞前輩書感賦二首疊前韻

珠江潮湧夏生寒勝地句留返櫂難皓月三更敲島佛

來書云夜月方佳

尚欲盤桓三四夕紅雲千疊麗園官

海山仙館荔枝正熟

天容海

色無窮興

澳門香港君皆往遊

香浦花田不盡歡空見木棉飛似

雪摩挲銅鼓亦奇觀

謂南海神祠

七星巖畔足高歌風雨羅浮景若何

君皆欲遊未果

還許後遊

將夢續每逢真境得詩多

君自言作詩率紀實無一虛浮語

胸襟豁達

開城府議論縱橫出曰科竹杖芒鞋閒歲月逍遙渾不

憶金坡

徐柳臣前輩壽詩和何子貞前輩韻

天人一理潛相通修德獲報無異同經綸展布詞臣功

發奸摘伏竄不聰滇南山左綏雁鴻威揚金馬及秀嵩

山錦秋河畔旌旗紅迴思歌詠西湖中

先生初由詞初垣出守潁州初

政已嫺黃與龔急流勇退誰如公滄江歸臥收帆篷豈

知彫琢經良工

先生少舉明經卽受業於何文安公之門

桃李一掃凡豔空

投分最早東洲翁別五十載顏猶童驂鸞下降蓬萊宮

萍蹤偶爾聚粵東儼若大暑來清風文章當代曾南豐

情真語摯意態雄

謂貞翁壽序

獨以道義磋復礪翳余弱植

儕蒿蓬幸聞仙樂振賸聾靈椿垂蔭福履充傳家清白

舊業蒙

謂叔勤大令

衙齋養志瀾洲沖朗然秋水涵雙瞳觥

籌交錯玉漏終耆英再會興靡窮羲和耆輓休匆匆

苦熱有懷二首三疊前韻

街頭冰盞沁心寒

京師賣冰者敲銅盃曰冰盞

夢想春明欲到難安

得風聲兼雨勢招來青士與蒼官濃陰繞屋渾忘暑長
晝垂簾亦自歡頓覺胸中除熱惱幽栖真作出塵觀
赫炎無所證詩歌炙手於今可奈何荷芰香中清露滿
菰蘆深處溼雲多鋤苗戴笠汗方下倚樹聽泉頭正科
境地由人判勞逸招涼隨在有山坡

六月六日清晨貞翁游芙蓉山歸途遇予攜耀孫
同憇五祖廟聽述舊遊

三年欲上芙蓉山每因張蓋興先阻春風蠟屐更妨滑

愁絕曲江江上雨東洲老人殊好事捫葛攀蘿勇可鼓

昨者四日遊桂林奇氣烟霞共吞吐

君去春遊桂林諸山四日而畢歸

泛瀟湘發長嘯逡巡度嶺下滇武放棹直到白雲山邊

惜哉未踏蓬萊股峩峩頂湖恣憑眺墨花飛酒如臥虎

羚羊峽裏懸輕帆儀鳳山前歇柔艣

君自廣州往肇慶一遊歸過曲江

衙齋偃仄聊布席風雅慙爲東道主自言昔曾至南華

水涵曹溪魚可數彫零金碧老僧閒准見空梁竄饑鼠

岩龕雙闕迴難企琴瑟依稀聞搏拊曩時徒倚曲紅岡

那意今將舊遊補酒醒披衣趁朝爽筍輿出郭穿林莽

兒童扶牀喚我鷹頗怪先生行踽踽我謂此日願方遂

才弱奚能援臂伍

君自號後臂翁

遙睇綠陰堪繫馬試尋石室

偕揮塵爲問山中康道士金丹九轉在何許仙蹤咫尺

忽迷離去去禪門參五祖可憐蘭若久荒頽誰向崖前

運斤斧東坡到處有西湖興廢由人無定所憶否登高

符太守

明符錫九日登山作詩次許渾韻

一片宮商動廊廡卻笑含悽

不成夢丁卯詩人吟太苦半途輒止心豈甘留待重陽

杖還拄清冷玉井

泉名

已飽嘗

山僧每以泉餉予

觴沸墨泉

在五祖廟

後快新煮聽君雄談當遊山膝下桐枝皆起舞石獅靈

鷲

皆山名

浪得名翻羨超然黃鵠舉

子聽九弟爲申甫觀察留佐戎幕直隸之行遂中

止復作二詩寄懷七疊前韻

漫勞旌節遠追攀秋浦烽烟黯曉鬢雲裏未瞻雙鳳闕

江頭先踏五龍山

建德已克復

攜將書卷消離思譜到饒歌

有醉顏爲問荒祠無恙否至今神往菊臺閒

庚戌春予往省三

叔父於東流屢遊菊臺因子聽泊舟於此故憶及之

泥鴻蹤迹詠髯蘇况復扁舟客夢孤笳鼓驚飛華表鶴

汀洲喜釣故鄉鱸爭傳細柳軍容肅自覺青萍聲價殊

聞道宮亭湖上住天風敲冷石鐘無

頃得來書云我軍上援湖口捨舟登

陸寓石鐘山彭侍郎浣香別墅之披仙樓

苗先生

八公山下風怒號東臺湖畔排旌旄愁雲黯淡日光冷
築壘三面穿長濠孤城直等亡羊牢稱戈比干苗先生
先生出師名無名繡衣持斧非不榮青衿得之呀然笑
崎嶇蜀道吾難行嗚呼讀聖賢書學何事號召子弟假
仁義螳螂捕蟬黃雀伺林鳩借居蟲亦寄漁翁巧收鷗
蚌利先生一鳴驚將帥富貴功名乃立致僉曰先生無
異志先生橫行惟以南龜兔趨趨貪狼貪虎欲逐逐視
眈眈蝸國蠻觸揮矛鏖勤王有命從天下倒戈相向氣
凌跨前年尋釁入壽春手縛大吏代乞恩睚眦已報私
怨伸跋扈公然森羽鱗先生通賊復賣賊首鼠兩端心

叵測舉止依然窮措大談兵實滅英雄色雷霆赫赫揚
天威紛馳羽檄來合圍名王東下萬馬肥貳師將軍偕
指揮況有韓范嫺戎機網羅四布奚能飛血雨徧洒過
潁淝吁嗟我爲先生危先生至此將安歸井蛙籬鷄從
古皆如斯

擬阮嗣宗詠懷十七首用原韻

世無蔡中郎焦桐難作琴天風與海濤入耳滌煩襟喧
闐冠蓋場奔走隔山林一一濫吹竽誰爲明素心

鴻鵠有遠志毛羽紛翱翔蘭蕙生空山孤標謝眾芳顯
晦亦偶然初衷慎勿忘憂來不可絕一日九迴腸美人

發遐想音容閼洞房嚴寒化冰雪倏忽逢春陽卞和璞
自完別足奚見傷

不貪萬鍾祿匍匐三咽李矯廉安足尙清操勵終始亦
有富貴徒延齡餐菊杞鳩毒乃益深侵尋顛厥趾處安
反召危素位讓君子我懷柳下惠喜愠忘仕已

騏驥困鹽車何時遇孫陽神駿負重名越影兼超光驚
駘共羈勒長路嘶風霜豈知虬龍姿九花獨流芳金絡
耀曼胡錦羈映華裳顧盼登天閑儼若雲中翔感激效
馳驅主恩焉可忘

宇宙生材多仕進匪一道衛青爲人奴司馬雜傭保求

賢破資格披衣頒詔草如何絳縣人泥塗竟終老白首
臥江湖常覺烟霞好

光武平新莽奮然持太阿鄧禹杖策追鄴下休輕過首
陳延攬義猥曰尺寸多蕪糞豆粥甘時來冰合河羊頭
及羊胃關中徒怨嗟

天人默消息三年下董帷道岸趨嚮專遑興歧路悲晚
近急功利守先待者誰明鏡染微塵朦朧月無暉巨川
潰隄防泛濫將安歸

朱門正烜赫乍聞薤露歌天地此逆旅忽忽駒隙過徑
思魯陽揮銳志補蹉跎太息世道衰日下同江河中原

矢車言金 卷一
叢虎豹白骨荒郊多拭目盼昇平鬚眉奈老何

養癰動成患禍亂豈意外在德不在險敢云恃襟帶英
雄起草昧明良欣際會盤根錯節地爲民除大害堅貞
扶世運綱維萬古賴

異哉荃變茅有苔不同岑懸崖榛莽中間以松柏林言
念肥遯士荀冠薜蘿襟俯眺城市內濃氛翳雲陰山頭
孤鶴唳羣鳥罕嗣音四序競代謝抱我歲寒心

輶軒采歌謠美刺皆風詩直道在斯民上與三代期置
身千載後黃農虞夏思書契苦糾紛那及結繩時漢法
如牛毛頽靡孰挽之培斗還折衡莊叟竟相嗤

虞衡失其職，狸狌爭跳梁。舟舫曠厥官，鯨鰐鼓混茫。浮邱表仙蹤，羨爾凌虛翔。沖舉入青冥，石壁空瞻望。肅殺天用威，因時降雪霜。牛羊罔求牧，痛矣操刀傷。弭盜恃甲兵，曷若嚴典常。干羽格有苗，載賡喜起章。

至人握斗樞，潛使造化移。六合普久安，八紘交瀾迴。循環盛衰理，亘古飈輪馳。識緯可盡刪，聖賢能前知。浩蕩闢乾坤，中央兩作離。

烽火已十年，慷慨賦無衣。欲求藩籬固，莫忘輔車依。禹稷視天下，猶如已溺飢。立達擴寸衷，實至名旋歸。自有二氏學，姑息託慈悲。除暴良始安，鷹鷂縱卽飛。

迢遞淮水濱惟見荷戈者含悽憶鄉國連歲災戎馬華
堂餘瓦礫膏血漬原野炎洲歸不得拄笏萬山下北睇
阻關河臨風且舒寫

一唱而百和俗士尠雅音少壯弋聲譽末路終銷沈禮
義大防閑危乎界貞淫菁莪械樸材挺生翰墨林端居
黃屋中猶然崇道心

孫吳富韜鈴談笑薄儒林圖像雲臺上載驟復載駸投
筆便封侯請纓逞雄心武夫鄙章句抵掌譏書淫典型
日以遠墜緒杳莫尋征調無已時里閭愁不禁

子聽來書言江南北軍情甚詳喜而有作用太白

塞下曲六首韻

羨爾從軍樂石鐘生夏寒湖山絕雄壯竟日倚樓看規

田馳羽檄桐嶺卸征鞍早晚橫江去旌旗擁木蘭

舟名

秋暑滿炎荒揮汗罷茗飲一紙雁銜來斗室清涼甚謝

傳方奕棋萊公正酣寢斯民登衽席東南可安枕

列艦白鷺洲鳴笳朱雀橋熊羆威大振豺虎氣空驕長

驅師八萬秣陵凶燄銷元戎今李郭漫數漢嫖姚

蔓延皖江北帷幄幾籌思衝鋒憑勁旅撼樹笑羣兒當

利屯難固濡須下未遲掃除棠邑地遑留荆棘枝彈丸

餘九洑血戰我

皇知

我軍收復巢縣和州及含山遂下江浦彭揚二帥乘單舸督戰

環攻九洲三晝夜克之江
面肅清此五月十五日事也

寥落景純宅荒涼鄧尉家

蘇州江陰兩城尚未下

吳趨真叢爾浩

却又蟲沙葛陽雲無色苕溪水不花富春定飛渡

浙軍進攻

富陽杭州勢已岌岌

野老莫咨嗟

磨餘盾鼻墨揮灑排陣雲危城巢燕幕堅壁水犀軍援
賊此時斷凱歌何日聞銘功落星石天闕盪埃氛

柳臣前輩和韻見贈復疊前韻酬之

靈心九曲珠穿通笙竽器異聲律同我於文字百無功

獲聆雅奏耳頓聰先生墨妙追戲鴻先生品望侔華嵩

晚景絢爛霜林紅曩時並轡天街中

先生與令兄穎塢少時同舉明經同

官農部

治經足繼楚兩龔匪徒玉尺量才公

先生官翰林時典試山左

分棧北闡

翛然琴鶴隨孤篷拔除稂莠奮農工保障枌榆筐

篋空恬退甘作信天翁珊珊仙骨真還童敲金戛玉諧

羽宮猶如選韻柯亭東花塼後進拜下風高飛自恨毛

不豐參伍鸞鳳心爲雄要令大力相斲礪直幹毋棄麻

間蓬當頭棒喝驚閻壘恩澤未溥宜廓充化導乏術開

顓蒙德懷愼儉虛以冲視風若輪頻轉瞳功虧一簣善

厥終舌底弗覺波瀾窮錦箋傳送何匆匆

嶺南樂府三十章

大醮壇

戒詔黷也

大醺壇鐘鼓鳴十里五里錦繡棚千枝萬枝琉璃燈填
街塞巷夜達旦烹羊炮羔偕獻誠吁嗟乎男女雜沓舉
國若狂赤帝與黑帝祀典崇蠻方禾穀夫人古未有飛
來之神殊荒唐二司馬腳愚民惑三界迎蛇判曲直香
囊私向先鋒醅紙人可代病如失翁山神語洵有諸上
皆見廣
東新語顆粒化作旃檀枯禳祈終歲走祠廟醵錢不問
官家租

紅黑旗

憫械鬪也

紅黑旗起惠州一城內外民相仇睚眦小忿興戈矛豈
待攘雞與奪牛忘生捨死逞血氣豪強視官同綴旒率

上皆王臣奈何分土客始也客爲土所役繼也土與客
尋隙土不能容客安適蔓延縱橫十餘縣蠶屯蟻聚互
搆煽那龍地名既迴使者車廣海名竟與王師戰安得一
掃笳鼓喧山中爲築桃源村

四營將

勸講武也

四營將將勁旅五羊城萃貔虎自從博塞風盛行頓廢
韜鈴愛阿堵弓衣權當護身符白叟黃童充部伍水陸
之兵七萬餘兵外募勇何取乎玉帳摩挲膽空籍雨拋
金甲沙沈戟須知倉卒選鄉團未若平時足軍額嗚呼
兵餉日以缺勇腹日以枵願告我元戎下令肅銅鑼營

中自有鴛鴦陣奚庸別向田家招

三合會 憂亂民也

三合會會何人拜五祖宗少林上者持扇白如銀次則
紅棍長竟身下之草鞋亦可踏無貴無賤無富貧不爲
良民爲莠民拋詩書棄耒耜一唱百和橫行鄉里老官
吏胥吏胥老總隸卒寄心腹誅之不能禁不止有時事急懸
花紅粵人名賞渠魁倖獲稱奇功黨羽未散甘朦朧不
然招撫用下策養虎自謂能牢籠遂令紛紛豎旗者同
心頂禮香燈下

縐紗帶 懲散勇也

縐紗帶腰間圍紅紫線頂上披不農不工遊以塘如鷹
脫韉馬脫羈彼何人氣甚驕厥惟東莞嘉應潮聚時列
陣排鸛鵲散時滿野鳴鵙鵙昔年防夷廣招募無端留
此蒼生蠹勇多害民官弗顧糜餉勞師寇如故今之寇
昔之勇弭亂召亂烏乎不恐迴看六鎮兩軍門大纛高
牙方坐擁

爬龍艇

責巡邏也

爬龍艇利攻剽緝私反走私捕盜轉縱盜錢神句通到
官府丁壯口糧嗟坐耗但貪財遑畏法死者囊首挂高
竿生者搖船出三峽嗚呼爬龍之艇非不多唯見送迎

來往如織梭巡而不巡將奈何欲矯其弊責在守土禁
爪牙毋攫取申號令莫安處終日揚帆還打鼓掃盪萑
苻消伏莽南北通津永無阻

打單錢 念商旅也

打單錢費幾何攔江駕艇至大艚不得過泉刀靳勿與
白刃怒相加厥抽釐關榷稅所取乃在稅釐外長年三
老久矣諳此例收帆停橈且留滯舟行怕遇打單人裹
巾百十紛成羣汎兵退避不敢問荒涼斥埃無人巡朝
打單暮打單那管估客愁偏欣法網寬訴牒投來束高
閣催科小吏去村落驚鳥亂飛何處捉

速弔放

惡擄贖也

速弔放籲縣官官是民父母焉忍袖手觀望官不來貸

錢不至一雙木驚置之死地

擄人者以堅木鑿兩穴鉗其足名曰木驚哀哉

兇頑徒傷殘我同類有銀卽贖還無銀求弔放吏胥婪索遲遲行竟爾葫蘆畫依樣以人爲貨狠且貪盜跖見此猶生慙炎荒徧地虎狼穴太息澆風幾時絕

買輸服

痛被誣也

買輸服恃多貲弱肉強食真堪悲桃僵李代明明知偏以朽骨爲居奇東鄰殺人西鄰愁金錢不了控不休劇憐一紙公門入賴有孔方頻緩頰筆下刀可畏胸中鏡

難明縲紲雖免囊橐傾富而賈禍誰使令不聞反坐論
如律但云天道忌滿盈

畫紙虎 嫉訟棍也

畫紙虎虛恐喝憑空結撰聳聽聞有頭無尾枝節脫紙
上描摹假當真吁嗟刀筆能殺人愚懦無端遭毒噬猛
虎爪牙半奴隸倚託錢神暗助威狼狽爲奸誇得計欲
無訟清訟源嚴拏訟棍折以片言曲直是非胥立判畫
虎不成空狴犴

宰白鴨 哀頂兇也

宰白鴨鴨不言延頸伏地忘其冤只圖得錢竟誣服耐

可結案休平反鵬兮鵬兮法如牛毛細命比鴻毛輕慈
烏反哺已無及金雞下詔難得生爲愛鬼頭銀甘作籠
中鳥不慮操刀誤翻誇獲犯早如此判贖真模糊以鳴
抵舉鳴無舉明刑慎罰有是夫

標長紅 慮罷市也

標長紅舊傳纖連甕比屋侔鰈鯢錙銖計較詢謀僉大
府下令無其嚴盈廷聚訟終游移那及市井人心齊弦
高卜式古來少絕流而漁患非小軍儲挹注幾時足風
氣因之愈悍標長紅雖長官莫驚未有商賈敢弄兵何
以治之唯公平釐奸剔弊眾口塞環顧六街多頌聲

爭沙坦

弭侵越也

爭沙坦海之壩去歲一畝今五畝滄桑倏忽盡成田本
無爾疆及我界競拋錢鋪持戈鋌弱與強爭卽止強與
強爭不已爭不已訟不歇谿壑縱能滿脂膏旋亦竭悔
不埋頭事耕墜爭可息憑丈量有曲有直何弱何強徐
徐議升科納我天家糧宰官清正勿蠹勿蝕沙坦之爭
自永息

充馬孖

俗讀如占

虞外附也

充馬孖裁洋行利之所在趨若鶩東奔西走弛禁防唐
回圖使或相類畢竟外夷勞控制不施鞭撻自帖伏有

馬借乘今豈異須知萬物一馬也驂騑頰首如啗啞敬
告司牧宏招徠長駕遠馭漢道恢無邪一語貫三百要
似空羣雄駿才

新聞紙

通華夷也

新聞紙聞所聞孰是孰非人云亦云上而王言下私議
旁摻博採刊唐文晶瑩兩面白於雪細字蠅頭密羅列
可以驅睡魔可以助談屑歐羅巴人一片紙紛然傳播
中原矣誰其印者孖刺番人館雞林之賈難專美君不
見宣武門內天主堂雕闌畫棟重輝光

斯文慰

端士習也

斯文患腹內空縱帶清華氣未除佻達風身在賢關聖
域中自誇頭腦異冬烘爛讀線裝書輒懈焚膏志一任
人譏碑沒字青簾白舫閒游戲若輩斯文真埽地學海
堂浩無垠典刑豈乏老成人轉移士習勤陶甄躁妄者
退厚重者升美哉文質咸彬彬藏修寶此席上珍不愧
山留越秀名

阿官患

諷遊冶也

阿官患富家子擁膏腴曳羅綺朝朝打水圍夜夜宴沙
沽艇名藏嬌到處覓金屋留髡隨地安行廚俾畫作夜樂
以忘憂興發忽向京華遊思拓眼界措雙眸黃金獻豪

門朱提付酒樓賁郎倦遊便歸去逍遙仍在花間住直
待紅巾賊入門始悔今生著統絳

阿爛崽 禁土棍也

阿爛崽結死黨三三五五慣打降握拳努目形骯髒恃
強梁欺恇怯居無家出無業情理置度外威力相恐懾
嗚呼蠻天戾氣之所鍾善良孰敢撓其鋒四民不齒一
方虎視憑藉游俠兒依附輕薄子是猶蕘稗亂禾苗別
無他法耘且蒔任他桀驁不馴者總畏朝廷三尺條

琵琶崽 歎鬻女也

琵琶崽貌如花問胡墮風塵怨娘復怨耶杉皮閣上二

絃響

粵東琵琶多二絃者

紫洞艇內半面遮抱琵琶將進酒不是

珠娘產蠶家怪底韶顏依鴛母唱罷摸魚歌改心

即粵謳

鵝潭潮退月西沈有人亦下青衫淚淪落天涯感不禁

感不禁愁無奈早登彼岸渡慈航莫被花田鶯燕鷲

拐豬崽 患掠賣也

拐豬崽貨番舶封豕於今方荐食放豚不追空樹柵牽

之入苙招涉波我兵一發中五豕還用子矛刺子盾視

人猶畜孰敢訶異狗

黑角切

怒頰

見昌黎文

如豚

音彬

亂羣可憐

伏地性卑率

埤雅豬性卑而率

豨豨一例同占豨豨強牝弱勢

忽反歸艾興歌嗟已晚咄咄渡河終不返

白鴿標

做賭博也

白鴿標仿射覆中十利百倍獲者可立富閨閣不出門

求神暗中佑貪餌游魚盡上鉤大小扳罾

白鴿標名目

樂奔

湊一人手挈鷹錢回千人皆思青蚨飛去復飛來負多

勝少冥不悟猶曰雌果乘雄哉

白鴿標以此取義

番攤館花會

廠鼎足而三布羅網近時圍姓更脫俗風雅預占龍虎

榜鴿兮鴿兮不脛而清以逸代勞轉笑咸陽客舍裏呼

盧喝雉太廳豪

燒金豬

杜奢侈也

燒金豬具大餐

用番語

魯津伯殿八珍備槽糠氏進六禮

完萬戶千家貪口腹市上燔炮猶不足卻笑老饕未解
饑坡公五日一見肉古人只重特豚饋盈几堆槃太無
謂價奪輝煌龍鳳餅京師婚禮率用之嶺南應較遼東貴吁嗟
乎漿酒霍肉珠海濱漫數石家蠟代薪

八音班

悲失禮也

八音班昧吉凶送喪送葬大合樂南越陋俗從同同歌
于斯哭于斯或云古人本有薤露蒿里辭今則彈絲吹
竹聲啞啞充其涼薄心若於食稻衣錦罔不宜此邦之
民當憂而樂試問家居讀禮人清夜能無生愧怍

拜七娘

嗤乞巧也

拜七娘陳瓜果麪絲作碗米作盃明朝幾見金梭墮典
釵環倒奩盞天上聘錢猶未償人間又費珠十斛弄巧
翻成拙鬪富卻終貧穿鍼剪絲有時盡那如犢鼻長隨
身似聞黃姑增歎息癡情兒女聰明塞妝閣經營吉慶
花都爲天孫罷蠶織

金蘭會 刺女子也

金蘭會訂同心羣陰邂逅利盍簪小婢亦學孤鶴吟

婢女

曰孤鶴會

金取其堅蘭取其潔唯願偕開姊妹花守貞互縮

丁香結始信嶺南別有天不因緣處說因緣合歡催入

芙蓉帳薄命齊將荇帶牽君不見李明府

名雲

歸過父兄

寬責女鳴金塗朱令非虐太和元氣春風鼓雛鳳嬌鸞
皆得所

釣魚臺

嘲釣淫也

釣魚臺無定處如鰈如鰓比目遊情絲十丈勾留住勾
留住樂洋洋水邊拚作野鴛鴦可憐不是溫柔鄉吞鉤
銜餌禍胎伏焉能自適其適同濠梁迷津日以深愛河
日以淺池魚之殃恐不免於庖但道纏綿易渾忘解脫
難無邊孽海生波瀾及早回頭休上竿

減妝會

譏男色也

減妝會風斯下呼孃呼妹不自慙只覺陰陽堪假藉變

童兒子矜奇衰邁越籍鄧超董瑕儼然武都身化女櫻
桃妬煞青棠花搔頭傳粉多情甚貌似紅兒腰似沈豈
獨何綏學婦人魂入羅浮還共枕異哉海國人中妖舉
舉相見思避寮妓女所居名曰寮丈夫巾幗漫足恃棄甲愁聽
子思謠

上高樓

譏徵逐也

上高樓客長滿琥珀杯琉璃盃淺斟低唱度深宵魚藻
門邊嫌漏短閒散哦松吏逍遙入幕賓楚庭山下踏青
人登樓共醉天南春那知高涼戰士多苦辛烽烟又起
陽江濱暮暮朝朝往來徵逐試看金錢浪擲酒家壚何

如風雨獨酌青燈屋

跳茅山 好巫覡也

跳茅山醫勿用召鬼神驚愚蠢紅燈閃閃夜吹角病魔
潛逃思捉搦除卻緣郎驅弗去禳祈亦擅專門學昔年
訪道上清宮詢以五雷正法法官皆罕通但見玉印潔
白無點瑕道是卞和之璞彫琢工茅山正一本殊派能
爲羣蠻起厓瘵執戈揚盾禮近儺以刀斫臂顯靈怪神
道設教古有之不須更向耶穌拜

四大寇 傷流丐也

四大寇負重名寇而丐兮學寇不成乃是搢紳衣冠之

後人手無寸鐵傷錚錚未受一厘難爲氓吁嗟乎朕饑
探囊寇曰非我沿門託鉢寇曰不可乞憐仍向仕宦途
翻謂析薪克負荷此寇雖小孰階之厲若祖若父惜懂
弗爲子孫計昔時裘馬今蒙袂梁上君子非一例喚作
大寇殊可傷貪泉幾滴流餘芳綠林豪傑紛無數公等
努力當自強莫令蠻民笑外江

粵中呼他省人曰外江老

中元夕放歌

輝煌萬點如繁星羅列廊廡盈階庭姁娥光彩不到處
燭奴助爾添晶熒盂蘭盆外別有說云照地戶通幽冥
恍疑身在古隋苑燦然放出囊中螢陰陽兩途判人鬼

二外車言金卷十一
引而近之殊不經暗室張燈眾邪避燃犀水底思藏形
縱令昏夜等白晝杳無聞見猶聾瞶嵇康滅燭理原正
朦朧醉眼何須醒豈知高明之家鬼亦瞰其室郊原戰
血有時聚作秋燐青陰極似陽那足怪君不見道場祭
幽和尚方搖鈴桃邊彷彿行伶仃寸魂尺魄叩禪扃悲
風颯颯來精靈嗚呼蠻民信鬼識情狀緘口且學金人
銘任它蠟淚窗前零

感興用昌黎縣齋有懷詩韻

虎狼患未除北望動嗟咤鄉國委荆榛田園失耕稼半
籠計誤施遷延責難謝解纒徒縱鷹食柏終害麝殆哉

抵觸離危矣馬羆駕大木須良工美玉求善價度已若
以繩反身似乎射有鄰德奚孤無主才皆霸從來任艱
鉅焉可習夸詐便宜得白專驕橫宵相下恥學馮異謙
惡聞灌夫罵奴顏厠衣冠兒戲軍棘灞羽檄久紛馳鈴
轅鎮多暇歌童翠垂肩舞女刀繁髻沈酣牙纓擁逡巡
繡鞍跨欲希霍嫖姚尙遜嚴僕射萬卒朝枕戈千營夜
行禽逍遙且頓兵安樂儼乞假餘孽留渦淮妖氛熾嵩
華白簡競飛霜銅壺齊問夜糾彈壯臺省奔走散朋姪
曩時共推轂此際孰連靶淒涼帶襁褓孤負書插架戎
行昔總干祖餞剛飲藉欣瞻霧豹姿喜遇金雞赦折柳

吟座間尋梅度林罅迴憶少年時遨頭幾春夏青帘酒
易賒紫陌花頻借骨相少人誇舌鋒使我怕中原羣盜
起一疏受知乍儘容論激昂不顧俗驚訝軍符三執掌
天威屢憑藉庶幾勛業隆豈止氣質化如何奪旌幢復
去游檀栢錦綺盈橐囊脂膏構臺榭百年猶幻泡六合
倖傳舍螳螂遭雀啄鷓鴣雛被鴟嚇末路實堪悲寵光難
再迓願作如是觀非同子虛姹斷章取平陽禍兮無所
嫁

金陵兩哀詩 有序

道光庚戌子將作嶺南之游先由菊江沿流而

下至金陵度夏得交兩人焉曰湯雨生都督王
蔗鄉茂才雨生招飲獅子窟索予題其先人遺
集瀕行復爲予書扇畫梅年已七十餘豪飲不
衰新構園亭座客常滿蔗鄉長子四歲骯髒有
奇氣工古近體詩尤長於駢體文每一篇出輒
付梓人刊之士林翕然傳誦與予初見於桃葉
渡口卽慷慨願結兄弟歡嗣是沽酒評花過從
殆無虛日蔗鄉善歌當酒酣耳熱時唱大江東
去響遏行雲秦淮兩岸麗人皆凭闌傾聽及嬲
其歌紫釵記牡丹亭諸豔曲則又清脆玲瓏如

出兩喉舌焉自言平日登場度曲雖老伶工弗
能及抑可謂極文人之狡獪矣夫兩生以忠臣
後裔由廕得官棄文就武實非其本意願名滿
天下交徧公卿投老白門溪山亦爲生色若蔗
鄉不過窮措大耳而自予視之一儒將一豪士
顯晦不同而性情則合何意於飄蓬泛梗中獲
交此兩友忘年忘形兼而有之致足樂也咸豐
癸丑賊匪下金陵兩人果并以身殉時予家居
逼近賊氛日有風鶴之警欲哭以詩而不可得
今年延丁裕吾先生課孫先生與兩人同鄉里

暇時詢癸丑死難事始知雨生作絕命詞自投
獅子窟池中蔗鄉則於城破後手刃二賊與之
俱仆嗚呼予交兩人十年前歡聚幾何便爲永
訣且別後曾無尺一之書以稍通情愫及其捐
軀徇節義復不能招魂江上負我良友多矣秋
窗感事走筆書此并補作兩哀詩

湯雨生

貽汾

都督

嗚呼祖死忠父死孝

君祖官臺灣鳳山令其父隨任林爽文之亂父子皆死焉

忠孝

傳家是則是做輕裘緩帶韜龍豹白頭歸放秦淮櫂
室雙溪供坐嘯畫意詩情俱入妙紅雪山房初見君英

姿颯爽空人羣有書連屋樹拂雲風流當代何將軍萬
荷花裏酒不醺一別三年兵革起石頭城下鼓聲死太
息微臣今老矣不能提戈雪國恥耿耿丹心照池水祖
孫父子名節完耄年遂志嗟尤難昔時忝作池上客墨
和淚洒含悽酸哀哉敲斷青琅玕古調惟向夷門彈

聞君

以絕命詞示侯青甫先生同時殉節

王蔗鄉 金洛 茂才

不願爲吏願爲儒氣概早已雄萬夫優孟衣冠任游戲
讀書何必小節拘不拘小節節乃大生死分明忘利害
吁嗟乎驚才絕艷埋蓬蒿抑塞磊落殊自豪笑它鳥獸

紛散逃獨拋彩筆握寶刀壯哉青衿不屈撓大呼殺賊
賊爲卻練光閃處頭顱落手提兩頭顱身陷豺狼穴取
義成仁無玷缺今朝方顯書生節紅板橋頭七板船萍
蹤遇合非偶然令我傷心邀筇步君嘗僑寓於此拔劍欲續王
郎篇魂兮來往鍾山巔眼看石頭城將穿何人收骨青
溪邊嶺南老友長涕漣

箴言五首

官多民不治所患在冗員仕途濫登進紛紛虱其間真
除本無期有缺姑使權班次可勿拘巧者工賁緣需次
將告匱捧檄俄欣然但知勤催科遑問民顛連上官訪

輿論口碑偏浪傳萬民爲張繼德政新題榜及觀四境
內白晝猶探丸何以肅官常退不肖進賢陶之復汰之
底須置十銓

兵多寇不除所患在虛額慨自文武分民外立軍冊大
營動逾千小營亦數百本有空糧名因之倍吞蝕廩養
充隊伍老弱漫簡擇每逢大閱時雇募聊塞責倉皇寇
氛起那得兵之力裁兵兵索餉養勇奪我食不如清其
源下令嚴考核行間果有兵奚難平盜賊

例多弊轉滋把持胥吏手爲郎至頭白畫諾堂上走動
曰有成案絕不置可否退而謀諸吏出語得樞紐吁嗟

筆如刀朱提暗攫取蒟蘆只依樣無從覓瑕垢譬猶老
畫師塗抹亂奸醜遂令摺紳輩結交常恐後豈知臨民
者行簡居政首釐然總大綱百世垂永久

大府古諸侯供張美且都登山列騶從渡江排舳艫江
行須捉船山行須捉夫不畏繁疲難最苦當衝途雖曰
當衝途暮夜勞追呼何嘗解私橐取之天家租鷹犬日
以肥脂膏日以枯大法小始廉聖賢論豈迂溫公訓儉
文曷不懸座隅清風扇戰轅屬僚遵楷模

王治不易民四海皆赤子牧令權非輕教化待興起欲
求得民心端自聽訟始蠻方縱慆悍亦知有天理投牒

卽判斷片言勝鞭撻毋任久拘留株連竟至死兩造果
悅服局外難嗾使憑空妙結撰海市蜃樓耳撥雲見青
天萬民歌樂只因之戢鬻凌定見風俗美虛堂鏡獨懸
循吏古如此

放言五首用香山韻

敢云宇宙經綸足莫謂乾坤缺陷無道貫天人方算過
疾分今古孰醫愚奇輝易掩崑岡玉清節曾還合浦珠
定靜功深開澈悟丹邱底用謁文殊

白晝逡巡終歲過紅塵輾轉幾時休離巢倦鳥仍投網
貪餌游魚總上鉤解識是非身後定不須得失眼前憂

大千都入黃梁夢未必常逢石點頭

剝復乘除了不疑行藏何待問苞蓄空山儘可栖
神放流水終教遇子期意氣肯銷彈缺日聲名難得挂冠時
浮雲變態渾閒事獨讓靈臺方寸知

不世才人遭佗僚靈均文字謫仙歌堪嗟道險皆巴蜀
無奈江清只汨羅洞壑雖幽通捷徑隄防偶溢起頽波
淺深高下隨心造過客光陰訝幾何

萬古馨香尊孔孟百年瞬息笑仝彭金丹那及文章壽
軒冕奚如韋布榮直到歸根祛眾惑豈勞因果說三生
淮南雞犬何能度轉覺神仙亦世情

子貞前輩書來以和賡翁韻詩見示並兩疊前韻

寄柳翁及頤因復次韻奉答六首

臥聽湘水雁驚寒憶否崎嶇蜀道難屢上輶車誇得士
久耽泉石喜辭官天邊不管浮雲變嶺外重聯舊雨歡
澹定胸懷隨處足神明都向靜中觀

欲賡同答少陵歌無奈公卿倒屣何豪飲吸將滄海盡

新詩峭比粵山多貽留共仰高曾矩君新得會孫雍睦堪登

孝弟科令弟子敬現亦家居歸去天倫增樂事卜鄰早晚築松坡

心與壺冰一片寒未訓高厚息肩難感君砥礪真良友

勗我清勤莫曠官故里頻仍烽火劫衙齋瀟灑竹林歡

近來棋局紛如此冷眼聊從壁上觀

蔗境安恬且詠歌

先大夫著有蔗餘偶筆

窮通曾不問詹何峴南

金石留題徧塞上風霜感慨多大度涵融消芥蒂浮華

刊落長根科表揚端藉如椽筆

願乞爲先大夫作傳

此日東洲

敵老坡

豈真調瑟等竿寒

來書云過嶺後如寒竿瑟無一字

力去陳言戛戛難

要識孟韓非匹偶應憐屈宋尙衙官倦游終覺論文樂

君歸仍主講城南書院

老味彌思把盞歡

用來書中語

待得草堂全集

出

君明歲擬刊詩文全彙

九天珠玉好傳觀

別後芙蓉一放歌

君行後願補作游芙蓉山七古一章

游洞不見意云何

挈瓶小智仍無補

富來書意

畫餅虛名漫足多

今秋補行計典願濫登上

考

桃李種成千百樹蓬萊望重十三科

丙申至今驚才已十三科

可許鞭笞到絕頂峯巒萬仞坡

秋燕篇

蘆花江上秋風緊健翮摩空奮鷹隼一雙玉翦掠簾櫳
呢喃也學思歸引早春記得營巢忙紅襟依戀鬱金香
情殷賀厦似相識能避戍己迎吉祥嗚呼燕兮何必歸
海天蒼莽知音稀不妨長在梁間住絕勝啼鳥三匝樹
燕兮欲去仍遲留穿廊繞檻鳴不休低徊宛轉向人語
黃葉亂飛無限愁茫茫大地浮生寄小鳥安知鴻鵠志

臨行珍重處堂人，幻影泡光等遊戲。我聞燕語魂爲銷，
舊時王謝今寂寥。秋來豈獨燕如客，繁華過眼都陳迹。
君不見，知機叟信天翁，澹漠相遭烟水中。無心金谷綺
羅叢，烏衣公子饒多智。歲歲銜泥術未工。

鄉愁五首

每遇鄉人至，殷勤問故居。虎狼仍作窟，榛莽不成墟。
羣盜縱橫日，中原戰伐餘。彈丸誰保障，無計賦歸與。
茶火軍威壯，何難一鼓擒。養癰非小患，流毒到如今。
水千旗散淮濱，萬馬瘡昔年。輕議撫，曾不辨鴉音。
猶記蒹葭閣，持杯慷慨言。本來無異志，况復荷殊恩。桀

驚專兵柄羈縻實禍根乘危終反覆應悔舌難捫

平阿張賊勢倏又擾州來捍守七旬久使君真壯哉

知壽

州事毛維翼登陣固守七十餘日糧盡援絕以身殉之

重遭烽火却倍覺雁鴻哀

莫怪援師少江干畫角催

聞道青齊地妖氛熾貝邱暫停東下旆

僧邸以淄川未平兵不能東下

先解北方憂蠶爾稽天討鬱然逞亂謀郭西三十里消

息使人愁

近聞吾邑西三十里皆爲苗賊所踞

漫與四首

材不材閒置此身可堪碌碌總因人坦懷久已忘通塞

強項何曾計屈伸雲氣須臾蒼狗幻烟波浩蕩白鷗馴

篙工笑指瀧頭吏底事迎來送往頻

莫訝猶龍尙守雌風波平地險如斯刻舟求劍嗟奚益
買櫝還珠覺更癡但論皮毛非善相不明經絡豈良醫
夫容任爾誇三變那及秋畦向日葵

難得英髦入網羅更宜兼聽解譏囹雛羣厯亂終殊鶴
馬背依稀或似駝膠柱自然音易聒改絃未必調皆和
試看國手渾閒暇豈在丁丁落子多

舉世沾沾辨濁清轉愁涇渭太分明鵝雛無意逢鴟嚇
鵝鳥甘心與蚌爭除是逍遙能適適端宜鎮靜不平平
澤宮中選都非易見說苗君亦倒紉

捉搦歌

養花自有天邊露
織錦自有機上素
男兒落拓儒冠誤
女子蛾眉動遭妬

架筯請神來恍惚
有靈都在正二月
兩頭支弓形若凸

中央銀錠痕如捻

北方小兒女以筯請神頗有驗者

彎彎香蕉甜於蜜
馬蹄

葶藶也

龍眼難作匹
東風已嫁杏

花畢獨坐空房
怕梳櫛

田中一年兩熟稻
赤腳扶犁無限好
丈夫身爲功名老

夢醒黃梁天不早

東飛伯勞西飛燕歌和韻

東飛伯勞西飛燕兩處翩翩不相見誰家女兒綺羅香
低垂翠襲風悠颺鸚哥倦枕雕籠鎖狸奴愛偎銀鴨火
畫廊攤卷蹙蛾眉爲郎新詠迴文詩眼看蟾輝圓幾度
愁心滴碎芭蕉露

水精簾子蟬蝦鬚涼意蕭森梧竹俱誰家庭院歌一曲
紫簫穿破玲瓏玉鐵馬錚鏦夜漏長寒蛩嗚咽惜餘芳
張角生憎分六五悄剔蘭釭開繡戶籬畔莫教黃葉飛
娉婷尙有粉西施

菊花名

八月晦日武水舟中作

珠江歸來不泛舟自笑幾時免塵俗民和歲稔簿書少

抱膝長吟吾願足偷閑渾忘虱其間倏又武溪迓旌纛

謂毛寄

雲制府

一灣清淺黃岡灘秋水直同春水綠層巒疊嶂

極生動作勢瀠洄繚而曲蔗田茂密如稻畦知是天公
雨澤沃西風入林添爽氣岩濠中流快心目膏肓泉石
豈爲病人生祇有晏安毒少陵秋興抑何悲世事遷移
感棋局浮萍蹤迹乍離合燕雁代飛斷還續儘許騰驤
奮騏驎胡爲爭戰起蠻觸可憐千古豪傑士強半名場
受羈梏鯁生本非穎脫才十九人中甘錄錄昔年禮闈
廁分校道光丁未會試予與制府同膺分校之役已愁不識卞和王玉邇來擯
南趲建樹遑敢得隴復望蜀故鄉烽火阻歸期素餐口

耗太倉粟此間聞有招隱岩誰歟接武前賢燭一官久
矣折胥慣差信澹懷忘寵辱但得負郭二頃田豈羨東
坡八州督武溪之水鑒我心戴笠終須返初服

興中書所見

近郭荒郊卅里賒四圍匝匝路欹斜勻鋪碎雪晴光澹
開徧一畦蕎麥花

迤邐崇岡豁遠眸芙蓉山下綠油油蔗田風過雨聲至
認作江南蘆荻洲

上署巡撫郭公用昌黎薦士詩韻

我皇塵南服求賢頒鳳詔曰汝都轉使嘉謨宏遠

到破格畀置寄海壖聞渙號惟公學探源有若龍門導
早登瀛洲選已懔霜雪操橐筆去從軍精神恥坐耗豫
章圍城內力抉陰符與酬庸授館職幕府名日噪還歸
捫枌榆湘中走羣盜十年返京洛重向花顚蹈如公真
俊豪蒙也羞自暴子弟乏師承茫乎昧堂隩乞公鞭策
之或可馴放鷺小齋款高賢投分殊俗好酒酣快抵掌
談兵氣兀界汪汪千頃波分流溢潢潦甘泉歛見徵勉
哉國士報鯨鯢挾濤至烽烟迷井甃紛紛陳利害淺見
等昏眊有時論過迂不則辭傷躁安危審全局慷慨振
衰耄忽動林壑思榮名鄙虛冒解組臥空山卻聘甘獻

傲瑾瑜漫終閼茹連慶咸造感激載馳驅露冕褰帷幘

書來閱時艱慮遠增怛悼門牆荷提挈

謂九弟
濬益

故交重

投綽嶺南久彫傲粉飾鮮忠告譬猶衷敗絮強顏炫巾

帽舍已而芸人何能免嫺嫺試思調五味羹湯皆用芼

春秋警官邪違禮譏取郛席珍廣撈羅不數珠與璫往

者朱中丞

謂幹臣
先生

清風播牙蘂我公足繼武下僚殷頌

禱漸摩化頑梗撫字同乳菴炎荒一隅地欲補江淮漕

通儒無弗通羣喙息驚懷成城孚眾志豈少弦高犒真

除指顧間

天語頻慰勞

重陽招諸友人登九成臺

九成臺上作重九壺觴會續春游後登高佳節莫虛負
直上城頭開笑口西風瑟瑟穿戶牖捲起雲羅滌纖垢
眾峯蜿蜒天外走獨有芙蓉仙境隄秀冠巖巒絕儕偶
玉井泉滋烟翠厚一重一掩互蟠紐睥睨不覺神抖擻
俯瞰武溪清且瀏諸柘成林三五畝壺甘挂樹香未剖
秋深萬綠環左右恍若置身在原敷布席快飲尊中酒
爲問黃花已開否惆悵東籬何處有有酒無花總衰醜
名場底事繼組綬逍遙讓與田間叟素心喜得歲寒友
且傲詩豪詠糝糗東坡作銘臺不朽後來才士皆培塿
文章最怕供覆瓿要關町畦脫窠臼回看野燒燭岡阜

眼底光明除稗莠殷勤勸客酌大斗商飆直是掃愁帚
茱萸蓬餌令人壽天涯至樂盍簪久

憶菊歌

牡丹號作花中王錦棚不敵春風狂笑它富貴詡姚魏
落英成陣旋颺颺桃李更屬鄮以下延年壽客天所昌
千紅萬紫易開謝卓哉獨傲東籬霜秋花炫爛奪春色
木葉盡脫彌芬芳品題壓倒眾香國但覺老圃增輝光
自從淵明寄真賞晚節特爲幽人彰化工翻新出變態
爭傳百蕙來西洋石湖譜外判劉史妍麗漫數金鈴黃
少時愛花卽愛菊瓦盆羅列盈書堂平阿佳種倍繁夥

紛然七寶珊瑚裝粗花大藥勿剪棄細糝入土春生秧
變朱爲白瓣化管換骨妙擅神仙方淮濱遠致數十本
風格似較家園強竹窗茅屋陡增豔疏密密雲錦張
搏沙小聚永朝夕持螯酌酒過重陽長安一住幾寒暑
夢想蓼溼蘆汀傍花中隱逸自韜晦植根喜近選佛場

京師天寧寺
菊花最盛

飢驅那能斷此癖買花出郭輪蹄忙閤黎

蒼利昧好醜滿畦叢雜儼芥薑譬猶蘭蕙溷蒿艾直等

砭砭攙琳瑯奪英擢秀到日昃幸獲佳友

菊爲
佳友

歌偕臧

冷官聊以慰寂寞翠瓷斐几閒評量銀龍鬚柔虎鬚勁
蠻連環配芙蓉裳晴山蓋雪極高雅平沙落雁徐低昂

西施楊妃兩相稱塗抹羞學時世裝袈裟茄楠色最古
蓮臺端正宜禪房落紅尤是無上品維老君眉堪頡頏
淡濃肥瘦各殊狀爛熳鬪巧如鴛鴦遲開可補歲朝供
要與松柏盟久長人言梅花比巢許豈若不壤同金剛
年年逢秋吐豪氣裁箋速客傾壺觴別來奚止一千日
至今戀戀宣南坊沈寥東望遠迢遞欲歸太息三徑荒
得毋此花怕附熱貞秀避迹瘴癘鄉前年珠江載花至
亂頭粗服貌不揚或云遯園許氏新築頗富有聞多塵俗未
許窺門牆往者對菊嬾拈韻目迷五色渾坐忘誰知無
菊反憶菊苦思撻索藜莧腸綠藤陰下屢怱悵長纒有

二年事言金 卷十一
願何時償且爲秋容一鋪寫金天振朱超東皇歌聲縷
縷竟寡和但聞階畔啼寒蠶

送式岳同年奉 召北上

四月隨君泛珠江郢曲下和巴人腔九月送君度滇水
迢遞雲山七千里君才槃槃足濟時豪髮洞鑒心坦夷
羊城一到頌聲作清風遠播天南陲此去仍爲廊廟用
松柏堅貞歲寒重漫道代飛儕燕雁會見和鳴集鸞鳳
熾然涼雨生波濤騎田嶠外戰馬號行行且止不忍別
落快醉樽中醪太息天涯同調少偶逢知己傾懷抱
空何能久合并蕭疎白髮催人老長安故交今不多

嗟予嶺表空蹉跎安得歎霜解銜厯與君共踏盧溝月

喜聞官軍克復信宜

南興

逆酋陳金剛偽號南興王

自詡天所興皓鸞飛鳳

二山名

偕軒騰

負嵎抗拒已三載潘山烽火嗟頻仍元戎渡海揚威稜

謂崑靜山軍門

重整戈甲修緄滕師克在和善調劑如病洞見

痕與癥高涼嶺上勇倍增白花塘畔弓對棚南山采入

破其阻嵩坡石骨

二地名

空依憑淺者方謂縻金縉六月

之息嘲鯢鵬蜩鳩斥鷃見殊小可憐控地無他能鄭

鄭經

劉

劉超

反正機可乘手提髑髏髮鬚髻

九月初七鄭劉斬金剛首級以信宜

城

越裳從此慶安堵竇江風靜秋波澂故人書來喜不

勝新得雲門二函似聞銅鼓鳴鑿鑿紀功要尋白馬石

摩崖直向青雲登

式岳以五律四首留別次韻寄之

宦海波濤裏紛如不繫舟乘潮魚縱壑噓氣蜃成樓道
義足千古天人同一漚知君挂帆去大白滿杯浮

若論旬宣績無人敵此材還期作霖雨莫漫賦天台畫

轡秋容淡

贈予畫菊

離筵別思催武溪雲樹杳徙倚九成臺

知交殊落落獨愛古之愚門戶空依傍心田自灌輸不
爲名利固勉入聖賢途媿我疎慵甚秋風正憶鱸

膾濱江流闊清湘月照篷笑非無斥鷃慕豈到冥鴻明

歲會相見陶然呼醉翁看花向燕市早晚寄郵筒

高寄泉年丈引疾北歸道經韶州款留衙齋談讌

竟日娓娓不倦瀕行以七律四章誌別敬和元

韻奉寄並題其珠江話別圖

束雪量珠向海天

公以慥尹告歸

寇氛纔息布帆懸倘教歸擁

千金橐無復春生萬竈烟

謂公收復水東事

危竟能安勞局外

賞偏不吝燭機先功成旦夕身仍退博得鴻文姬史遷

王靜山都轉陳蘭甫學博皆作文紀其事

尉佗城外餞筵開爭擘瑤箋佐酒杯話雨喜從蓉驛過

敲詩惜未柳堂陪

柳堂師友詩錄選刻公詩

暮年作吏耽風雅壯歲

談兵有將才況復公門桃李盛皋比碩望眾交推

分明瓦缶遇黃鐘禪棒當頭一喝聾

公與予論詩

鼓角聲中

增膽氣波濤影裏拓心胸

公由水東航海至省

齒牙亦帶文人慧

謂蝶階

根柢都令學者宗

公有培根堂詩鈔

聞道畿南烽火息

杖藜春暖慶咸雍

邠下傳經歲月長摩挲鉛槧細商量須知白首歸田樂

底用金丹卻老方恨我炎州三載住何時入海一身藏

先生此日成高蹈袖裏嚴陵姓字香

公昔獲嚴子陵名印徵題滿冊

歎山

世人圓耳目動日游名山青山不好名霜落天壤間一

一蘊靈秀各各呈蒼顏
屐齒所未到圖經難畢傳
豈知五岳尊匪僅石一拳
諸峯互羅列始顯高莫攀
昨讀東洲詩貞翁有游峩眉瓦屋詩草
不覺長喟然萬口說峩眉
誰登瓦屋巔我爲山歎息
埋沒殊可憐夢遭山靈訶
子胡不達焉松柏罹斧斤
直等榛與菅孔雀入羅網
那及鷗與鷗自來名勝區
吁嗟受害偏不見大江中
金焦漲烽烟天竺共雲林
驚走白足禪龍蟠鍾阜地
戰爭逾十年八公小有名
草木成戈鋌雲荒金馬界
月暗藍田關山魑木客愁
劫火焚黛鬢與其浪得名
血流蝸角蠻曷若守岑岑
或者全其天山靈語未已
晨鐘忽破眠披衣對巖壑
乃

作歎山篇

題潘筱溪少尹舟中對月圖

嵌空石壁雲欲流
梧桐枝上風蕭颼
濛濛黃月挂天半
蒼茫烟水橫扁舟
舟中游子不能睡
耐寒獨與清光對
呼童烹茗坐深宵
把卷沈吟見高致
忽聽雁唳三兩聲
鄭重銜蘆出塞情
明朝日暝風帆順
看爾飛揚萬里程

初冬江行漫詠

一月一登舟
勞勞送迎慣
小春久澄霽
烟景足睇盼
山容妝未卸
波光綠可蘸
古榕蔽松檜
都蔗匹葭蘼
風靜低盤騰
江曠罕聞雁
何曾感搖落
造物善變幻
十月作

重九東坡語非贗
暝投白茫宿碧空
挂冰鑑安得伴清
輝長此扁舟汎

寄曹薌溪

登庸

大地紛紛傀儡場
世途休問態炎涼
多君奉母居京洛
獨我懷人在瘴鄉
生計漫如營壘燕
巧思誰敵轉丸蜚
囊中賸有詩千首
富過當年陸賈裝

書來索詩故以此答之

恥將毛羽混雞羣
顧盼仍爲出岫雲
下考甘同陽諫議
豪情不減杜司勳
材因錯節盤根見
水到涇清渭濁分
六月偶然鵬翮息
扶搖終自軼埃氛

老向風塵守故吾
上灘一任水程迂
似聞虛受客投匭

何必圓通學破觚樗櫟本來難中選驂駟端合讓先驅
東南早晚干戈靖炎嶠於今困轉輸

梅銷關外雁飛來句起離愁撥不開北苑青山晨潑墨

菊溪善畫

東籬黃菊夜銜杯幾時再踏呼鸞道

菊溪去年欲重游嶺南不

果竟日相思市駿臺莫恨酒人零落盡扁舟也擬挂帆

回

梨園弟子行

梨園弟子重色藝盛衰儼若關時世謾云面目本非真
但覺齒牙能帶慧學得新腔娛俗耳穠杏夭桃取姿媚
而今雙鬢已蒼蒼憔悴風塵淚沾袂爲言乞食向京師

正值國家全盛時笙歌鼎沸萬花舞大羅天上爭酣嬉
法曲元人傳院本紅牙按譜難增損忠佞貞淫摹畢肖
移宮換羽何深穩須知五代有伶官莫作俳優雜伎看
兒女情腸勝巾幗英雄氣概媿衣冠乾嘉以後風斯變
競愛流鶯千百轉弋陽竟許壓崑山胡琴手擘歌聲顛
楚咻共道能翻新又誇絕調出西秦自從菊部人材少
塗抹東施也效顰日日華堂奏絃管筵開玳瑁朝參嬾
靡曼專工濮上音清高孰問廣陵散白霓衫子月華裙
妝點雲鬢豔十分頓使黃金聲價貴丰姿綽約最超羣
超羣果否真翹楚品題偏與分門戶冷落喧闐大不同

二知車言金
可憐一樣嬌眉嫵三十年中數教坊花天酒國費評量
分明買笑徵歌地渾似爭名奪利場雷同附和無真識
朱門倚仗吹噓力奔走天涯老大悲過眼繁華空記憶
我爲梨園感慨生哀絲豪竹愴人情濫竿不是知音者
怕聽何戡唱渭城

偶憶舊句補成三絕

千絲楊柳風裁葉一樹棠梨雪作花寫出鄉園春色好
不教埋沒野人家

蔡氏園林小駐驂夜來飛夢到江南季鷹蓴菜香千里
伯虎桃花紅一庵

愛他綠樹抱村圓

五字昔年山左道中句

信口車中妙句傳比似

琴材珍百衲挑燈收拾入吟箋

詠果

嶺南之果種類實繁擇予性所嗜者各系以詩
厥品有十若荔奴宜毋皆屏而不書非故示高
下也亦聊以誌吾口福異乎耳食云爾

荔枝

山枝雄挂綠水枝尊黑葉名園埒侯封美祿注仙牒海
隅此尤物風骨孰跨躡江璫妙比擬梁谿徒喋喋

見李綱賦

蕉子

綠天冬不凋花實相代謝異哉折腰娘舒卷奪造化香
牙若阜策梳齒勻排乍用以哺嬰兒龍乳罕匹亞

黃皮

炎炎火繖下鑄出金彈充食之飽轉飢

諺曰飢食荔枝飽食黃皮味

乃甘兼酸能消虬珠熱不殊龍眼團儕以白蠟子

亦果名與

黃皮相似 暑天清肺肝

南華李

曹溪水何甘滋培孕紅縹齊名老子祠芬馨溢嶺表仙

佛道一貫因果原不小我如井上螭夢向禪山遠

新會橙

煙秋紀張協霜香吟杜甫橘籍歲輸貢命官肇漢武於
今老樹甜翁山缺未譜坡云喜搓綠含酸吾不取

桑麻柚

桑麻園在
南海鄉

香藥大於橘遠邁秦中條鏽邏及禾輓

皆柚名

土物充厭

包增城吏胡貪

見廣東
新語

南海土沃饒化物不自化難免

詩人嘲

四會柑

黃乳飽東甌青皮珍南豐

南豐橘至小
而味殊勝

羅浮遠莫至想

像僧樓中魚凍錫嘉名將毋蟻窠同應憐樹如洗莫種

蓬萊宮

羊桃

非桃卻名桃經冬亦桃奴三斂俗語訛五稜歌髯蘇宜
糯復宜蜜辟瘴洵不誣笑彼優鉢曇卽波羅蜜刀生花則無

橄欖

欖公難自雄端須配新婦

本草有新婦欖

白者憤暗消烏者婉

易受味諫著木威忠告儼良友獨稟東方色梅杏未曾
有

石栗

形略肖中道

爾雅中道菌

仁如播師羅

胡桃名

鸚鵡不飛來傾

筐今日多

韻表錄異云仁熟時鸚鵡啄食略盡今殊不然

箕山衍別派勒州茂

新柯土銼憶春明黃玉解顏醅

京師糖燭栗以下酒最佳

南華菇

若無佛影疏孰悟參禪法非有和尚輩竿輟捕魚業伊

蒲足清供名字挂梵夾柔芝而剛菌屈叟

翁

論博洽如

何采羅浮轉忘度三峽南華古道場物產頗不乏淨土

大包孕靈氣四噴欲刈禾莫遺秉含膏潛圻甲漚雨漬

千點晴曦烘一霎鬱蒸起蓬蓬萌芽吐恰恰但使力澆

灌無雨則澆灌亦生

奚曾費栽插綿延匹地腎

羅浮山松下多有之亦菌類

叢雜被山脇居然朽腐化那入恆沙劫初聞新蟬鳴旋

聽羣雁噪

自夏至秋菇生不絕

農挑趁市墟夕擔下江破菁莪等

包匭必弗裝滿匣

年例有貢

品高北地摩香動中廚薤種原

羊矢異

從化雪菌生於羊矢木

美欲雜粳壓負苞殊銅釘

菌名揚葩

儼石砌肥於桑上鵝

木耳名桑鵝

芼之欄內鴨滹湯最宜匙

調羹邊用筴嫩同竹肉烹滑比蓴絲叩春明記遊譙珍

錯交款狎未能舍熊掌姑且熟羊腩肴核競堆盤腥羶

苦沾袷野蔽誇後勁酒兵奮再畎來從滇水隈直到廣

源牖六祖此卓錫萬口爭吐嚕韶陽闕志乘

府縣志均未載陳

潘漏箋劄

謂陳仁玉菌譜潘之恒廣菌譜

於今飽芬馨恨未登炭業鮮

固侔越賂

亦菌名

乾尤勝海鮑行當訪招提差喜稀判押

目睇十景賒

南華有十二景

衣向千仞扱所嗟寺頽廢往者屯

鎧鉀地荒仍沃饒僧閒恣揀指覆餗戒占鼎爲圃甘荷
鍾詎肯學釘餌幸免嘲竄圖道味羨爾淡詩瞻振吾怯
藜藿共饜飫陶匏耐鏗搗芥子納須彌祖師意云憚

十一月初二日始寒戲作

白雲在天不可呼

用東坡句

懵懂但隨風伯驅魚鱗片片長

空鋪三十六峯青模糊顚顚令下南越都山頭豈容涼

熱殊

庾嶺一名涼熱山

咸池波凍藏金烏頽虬卻走蒼龍躍北

地久矣人圍鑪炎方猶自蚊滿幙火德太盛無苑枯小

春剛過月則辜紙窗誰繪消寒圖愆陽若此帝曰惡急

召飛廉勿跼蹐嚴威大振旦欲晡有如萬馬齊奔踣崑

龔雙闕倏已逾下度灘瀧穿澗瀆空齋兀坐粟生膚憫
爾行役手足跼持篙瑟縮撐盤盃碇船先沽酒一壺衝
霜冒雪休問途而我終日儼守株輕裘緩帶胡爲乎明
年五十成老夫豈可戀棧忘疲駑回思往歲嚼冰壺逸
居飽暖吾負吾只有作歌堪自娛不醒不醉拈吟鬚熱
念但覺胸中無徑欲策杖追林逋梅關花勝孤山孤

謝德峻亭

玉

同年贈畫

時權乳
源令

我聞蠟嶺之高高插天西京孔道闢在東嶠前山深不
化太古雪門戶險絕推騎田或云藍關卽此是駐馬共
說昌黎賢往者入粵庚申年徑思賈勇凌其巔三瀧飛

渡那能泊至今神往雲門邊得君畫圖令我動豪想何
時芒鞋竹杖蘿葛偕捫攀鯁生目不辨六法但見淋漓
潑墨一氣成蜿蜒胸中無限邱壑蟠筆如巨斧劈破青
巒屹置身邊嶂層崖間山城斗大瘴雨寒公餘伸紙興
勃發超軼米董希荆關持贈直抵琅玕願君治民若
寫畫陶融清淑消堅頑太和元氣四時備務使靈秀畢
吐礪硯胥雕剡丹青染人妙取譬轉移變化可作繪事
觀我知風教行徭蠻買牛買犢刀劍捐梅花路上來往
歌便便深林密箐通人烟蠟嶺渾如畫裏山

交椅

卽胡牀俗
呼馬摺

晝寢尼山譏雕朽兩不可除是入定僧昏旦面壁坐巧
哉北蕃製適體用殊夥厥初至恭敬後乃息慵惰轉關
便輕齋摺疊化堆垛流傳至明皇扈從登礮礮逍遙忘
野頓逡巡列丹瑣唐穆宗於紫宸殿御大繩牀折背聽偃仰意創荷
葉裏豈惟高士宜太師巾免墮非牀宛如牀不與睡鄉
左易繩而羈皮屈伸更由我午窗偶攤卷栩栩蝶夢妥
呼之曰椅妾誰匹此婀娜申天表燕居遨逸則無那底
須蒲團上跏趺參佛果

燈下雜吟二十五首

兒時覺日長於今覺日短歲月若奔馬過隙不肯緩在

苒已半百悠忽成疏嬾清班媿黃門虛名玷詞館自從
領簿書風雅殆將斷獨於詩卷親興到輒握管服膺杜
韓蘇欲學恨才淺藉之補蹉跎莫忘青燈伴

猶記茗上歸我才十一齡我祖親課讀短檠光熒熒授
以古文辭琅琅聲可聽頗能強記誦快同水瀉瓶攤卷
至夜半涼月穿筵櫺含飴有餘歡進退奉典型時一弄
柔翰吐辭皆性靈

性靈焉足恃所懼功力荒十四舉茂才貿然入名場縱
得敲門輒罕窺夫子牆八比試帖詩伏案勉就將捨本
第逐末弗擇秕與糠猶幸汪先生

小亭師始教
作古今體詩勗我裁

錦囊俾知詠歌樂勿辜炳燭光一字吟未安中夜起徬徨

甫思闢吟壇又被儒冠誤每逢省試年帖括急先務經史束高閣心目別有注三日成一藝昏昏昧朝暮塗鴉渾莫辨雞鳴對殘炷副車擊雖中勒帛倏如故四泛秣陵船秋風盡虛度

京華冠蓋區人文萃淵藪濟濟七步才紛紛八叉手嗟峨仰泰岱自視儼培塿僥倖博科第其中實無有得意共看花布席且命酒偶然事吟詠旋即覆諸瓠洪鐘亦願撞寸莛漫能扣青燈味何如醉眠呼負負

淒涼風雨夜潞河駕扁舟凶問阻星軺哀音和淚流自
訟還自過終身恨不休燈下形影孤但憑詩解憂半園
歸幾時因貧復遠游深悔讀書少空疏怯雕鏐叵耐山
水間漁樵尙歌謳因之發長嘯暫釋羈人愁

四月赴菊江五月泊秦淮七月入吳中故宮尋館娃餘

杭九月到放棹湖之涯富春賞紅葉小春風物佳

紀庚戌南

遊事回憶在長安秉燭遊天街豈若烏篷底眺覽舒吟懷
一邱而一壑韻與金石諧

獨客賦長征雙江度殘臘斯時粵氛起獷悍奮烏合行
過峽山寺艤艫陣雲匝仁聞凱歌唱劇喜朋簪盍潮來

中流沙月滿杉皮閣琉璃天不夜千枝燦銀蠟捧出頻
虬珠光彩豔壺榼容我扣舷吟傲它絃拉雜

我吟興正豪頓觸蛟龍忌媿非騎鯨侶波臣惡相戲不

死獲再生恰遇故人至邀我剪燭談鼯黝仍大睡

辛亥七月

曲江之厄得遇張同年邀至彼舟遂獲安眠至今感不去懷夢醒覓游草十僅存一

二痛哭對江濤筆硯可焚棄歸家故態萌篝燈時擁鼻

癸丑暮春月賊趨皖伯臺聞風競倡亂直逼肥河隈四

野斷行旅負擔常空回倉卒舉鄉團使君胡不來刀光

耀如雪礮火鳴如雷一夜屢驚呼枕上生疑猜有書不

能讀有句不能裁殘燈半明滅畫角聲哀哀

避寇乃遇寇艱難一至此

以下三首紀賊犯懷遠避亂孔岡事

渦淮民氣

固荆塗山色美方期作寓公遷居有日矣提燈傳噩耗

鍾離營戰壘欲歸歸未得拏舟二十里揮淚別我姑

四謂

姑含愁對妻子我去賊旋至不過兩日耳草堂天未明

陳丈促我起云賊破縣城擄人到鄉里方寸陡然亂行復止止波浪既重生或免鋒鏑死

有友昨告我望氣可占兵欹枕夜不寐瞥見鼠上檠披衣出啟戶黑雲天際橫綿亘走西北不覺目爲瞪心知賊遠竄閉門眠勿驚須臾鄉人來抵掌說分明賊聞官軍至下令潛拔營官軍帥新募赳赳強且勍劫掠與盜

等盜去禍又生幸賴諸耆老渡河息紛爭我時坐茅檐
聽之百感并

凌晨達西郊腥風滿面撲道旁血縷縷臥地兩脛斷言
至岫河村十家九空屋親朋見我來牽衣唯有哭解后
出意外殷勤留客宿一燈小如豆燐火光四逐此時亟
思歸肩輿去何速還家坐愁城時聞鬪蝸角

毋爲處堂燕願學黃鵠飛重踏輦紅塵故交日以稀張
燈理觴政行樂須及時行樂雖及時心緒猶亂絲故山
正烽火南望增歎歎不須化鶴還早成丁令威圖史盡
飄零空存數卷詩賴此樽中物愁來澆灌之雄譚到更

深窗外寒雞曉

冰雪轉陽和雨露天所假炎荒舊遊續惜別杯爭把沈
酣醉鄉內夜夜紅燈地厚意感良朋驅車向蘭若欲吟
思轉迴恐添別淚灑臨歧屢回顧西山青不捨判袂俄
四秋中心自藏寫

我行值閏春初擬沂袁浦吳趨泉兩浙不乏東道主湖
山慳一面人被天狼阻未容東適齊姑且西入楚差喜
水泉乾揮鞭過漳滏滏喧闐數十乘塞道壯行旅須投兩
店宿不則將露處稚女與童孫豈耐征途苦彼車或未
至呼僕迎以炬燈前頻側耳有興亦難鼓坐是囊無詩

塵俗安足取

問我途所經邢臺小淹滯兩州冀豫交燕趙中山衛輪

蹄馳轆轤過眼浮雲逝忠孝與神仙遺址偶一憩

謂湯陰岳

忠武祠邯鄲呂仙祠予游呂仙祠曾題兩絕句稿已散失臥龍岡不遠褰帷徒引睇

南陽漢中興垓莽壯形勢句留竟不能實爲官所累下

車馬奔槽燈昏人欲睡迢遞達襄樊又作買舟計

買舟舟畢具我偏覓筍輿不上黃鵠磯不泛洞庭湖檀

溪躍馬過何必趨畏途燈火銅鞮坊繁華迹已蕪怕讀

墮淚碑行行指臨沮陡絕鳳鳴關雲氣摩空鋪水鄉極

豐樂

豐樂鄉卽陳子昂題詩處

麥黃聞鳥呼穿出萬重山是爲楚鄧

都上游所必爭無怪蜀借吳繁星照滿天言向沙市徂

漢口數被兵不敵此全盛

謂沙市

表延三十里燭龍如月

映樓頭拚買醉江干催理榜中流自在行眼界大清淨

渡水更登山萍蹤訝靡定偈仄秧滿畦盤紆松夾磴輿

夫貪納涼到門天色暝屋小僅容都炎蒸風不競移燈

避蚊雷偃仰罷歌詠

茲行雖由陸朝朝喚渡船水多不記名沅澧尤清漣重

午後三日甫抵湘江邊我來舟亦到

嫺屬乘舟者次日亦到長沙

免

我胸懷牽屏當迄未就欲發仍遷延幸逢賢主人絲竹

敝華筵燈紅酒綠時幾忘行路難度嶺悵無期去去休

流連

生平慕五嶽今始瞰嶽麓靈秀露一斑欲往愁暑溽徑
登上水舟儼若施桎梏南風日打頭負緯行蹢躅我心
殊曠然峯巒看不足天外互騰擲駭斷還續想像昌
黎詩雲開神所福惜無健腰腳枉向舟中伏舉酒對漁
燈寄懷在空谷

可望不可卽神往岫嶠尖刺篙近未水未許程途淹豈

料鷁退飛聞警客愁添

聞樂昌道梗
折回衡州

轉舵衡之陽依然

上竿鮎有緣攀雁峯稍覺吾意快突兀開講堂

石鼓書
院卽合

江亭
故址

六經膏馥霑蒸湘合流處年豐俗安恬錦棚十萬

家燈輝掩銀蟾

恭逢萬壽節城內懸燈如白晝

斥堠夜不驚刁斗彌

森嚴

捨舟載登岸僑居西郭西侵尋夏徂秋嶺外鳴征鼙慷慨

慨思請纓妻孥暫分睽此行數變更屈曲樵徑迷

由衡州山

行至

小店一燈明亂雅崖畔啼柳水窮其源黃岑倏已

躋捷音耳邊報

到柳即聞樂昌收復

使我中坦夷不顧瀧吏笑問

津來武溪

昌樂

瀧名

至樂昌九瀧十八灘渾如灩澦堆惶恐逾萬安

山行懲顛蹶更比舟行難挑燈默沈吟何計迴狂瀾十

年瞬息耳誰意重彈冠停橈陟瀧頭展拜心致虔

謁韓公祠

無風自滂湃下有虬螭蟠鯁生忽膽壯放眼看奔湍履
險欣利涉鼓泄江波寬

我生本好遊名場動牽縛終朝閉關坐負此山繞郭磨
驢迹旋陳自笑等行腳昨非今豈是遭際半哀樂聊爲
燈下吟推敲和寒柝良友遽合并謂江天涯慰離索焚
膏那辭疲蕪穢仗刪削爲予選訂詩草何時探雲海相期躡芒

屨

寄江蓉舫

時在廣州

君從芙蓉嶺上來擎舟遠到芙蓉驛三年離緒說不盡
舉杯別恨酒腸窄問君躑躅行底遲答言鄉國烽烟隔

胸襟浩蕩化畦畛杜門屢辭蓮府辟乘興且作珠海遊

鴻爪迷離尋故迹

君少時曾至羊城

兩萍偶合皆天緣故人特

赴湯餅筵果然再索儼前定五行妙術虛中傳

君精子平十一

月十三日到詔預決予當生男果於十六日次兒生

如君才調世罕匹鑄成鐵硯

磨將穿我非唐舉卻善相會見穩步蓬萊巔於今我已

墮塵俗玉堂自是人中仙酒酣忽憶長安道韋曲飄零

春色老難得天涯重解后忘形爾汝傾懷抱乞取生花

一枝筆挑燈濡墨刪吟草更闌彷彿風雨至紛紛落葉

窗前埽劇憐此會如搏沙滇江南去蒲帆斜白雲山頭

發長嘯大聲壓倒箏琵琶詩膽不數唐劉叉越臺徙倚

歸期賒凭闌飽看紅棉花迴舟有約更須踐提壺蠟屐
登南華

演雅

君不見鷓鴣銜葉才覆身鵲鵲淘河豈亂羣鵲巢高下
識風信鵲鳴俯仰知陰晴就中鵲鵲耐寒過偏道鳳凰
不如我水邊開口信天翁笑它撮蚤辨么麼白鵲唯愛
花間閑山雞舞鏡飛難還安得啄木畫蟲出喚春闌巧
空縣蠻吁嗟乎烏鳥一何慈梟鳥一何惡鵲鵲堪代司
晨雞鷓鴣轉勝乘軒鶴雲端叫天子直上那異南冥鵬
村外布穀兒翻身化作凌霄鵬鵲雛無意受鵲嚇海濕

忘機甘自適鵲鴉一聲眾芳歇擒來縱去義哉鵲鴉怕聽
伯勞與姑獲鳩有毒兮雉有媒鵲鴉不比終不飛維鷺
是序鴻用儀時樂吉了孰慧癡親仁坊裏立烏省風人
罷詠梁鷺詩

兩姑詠

姑慈婦勿喜姑惡婦勿愁一婦奉一姑從容婦職修如
何有兩姑憂哉難爲婦此方索盤匱彼又授箕帚自非
柔順性那得兩姑歡不敢向人啼掩面淚偷彈彈淚怕
姑知強顏向姑笑姑曰笑者僞觸怒更難料姑與姑不
睦引咎當自撾能令兩姑和婦道蔑以加一姑說婦勤

黽勉愼母改一姑說婦情周旋終不悔雍雍閨門內兩
姑共稱賢作婦果如此彤管徽音傳

短燈檠歌用昌黎原韻

短檠不逾五寸長映几勝似螢火光奔馳南北伴形影
家園回首增淒涼兒時西軒最有味挑燈攤卷人倚牀
卻愁濫作鰲峯客駑馬何堪備驅策孤負蓮華撒炬歸
直待焚膏蓬鬢白浪遊拋擲小窗前而今聽鼓翻遲眠
蠟淚成堆太豪恣簡文賦裏誇丹翠不如此檠照讀書
一刻千金等閒棄

潘丈如齋桐陰撫琴遺照令嗣梅溪

國珍

司馬屬

題

浮空陰陰碧玉枝忽如萬壑松風吹曲池軒畔隱君子
高山流水心自怡桐是良材琴調古埽石焚香閒按譜
不向塵中覓賞音邈迹林泉薄圭組先生碩德罕與儔
書田課子勤鋤耰竇家五桂竟堪匹庭階茂密蘭芽抽
先生有子六孫十一曾孫九我識梅溪在京洛那期舟共韶山泊感
君白首孝思摯使我披圖雙淚落故鄉烽人田園蕪飄
零瓦礫埋鐔于予家藏古鐔于舊以名齋白雲望斷嶺南客先大夫有滌硯
圖雨中望白嶽圖俱已散失唯存嶺上白雲圖遺照敬僅供奉松楸迢遞增悲吁三年
竿濫會何益改絃漫有更張策豆若閉門彈雅操梓里

二 矢車言金 卷一 一
至今垂楷式胸涵元氣鼓大和靈泉疏瀹培根科此琴
此桐足寶貴清芬奕葉貽留多

象棋

紙上談兵者何如一局棋孟嘗豪欲鬪周武製交推誰
改三辰號分排兩陣師野狐嘲彷彿金象夢迷離南北
河爲界縱橫路不歧五營毋妄動雙礮必先移後勁車
衝突連環馬驟馳參謀韜虎豹拱衛列熊羆多士旁求
得雄才輔相資中央勞控制左右固藩籬將帥專征日
千戈壓境時凝眸籌勝負舉手繫安危直搗空依傍斜
飛易絆羈敢云邊卒小似比火攻遲有進原無退唯強

足起衰設防堅壁壘架入廓疆陸誤在和能議輸真悔
莫追偏安終失算孤注獨爭奇執燧功成矣彈巾數倍
之古彈棋之戲黑白各八枚不及象棋之半流傳無咎序博洽用脩辭破虜
平戎策神明變化思百僚曾聽講六國此開基亦類楸
枰戰翻憐賭墅癡近來吳蜀魏更覺壯旌旗昭代叢書
有三友棋譜

又七律二首

斬關奪隘鬪戎機膈膊聲中聽指揮戍卒分屯兵已練
鉤車齊發馬爭飛縱橫排出鴛鴦陣霹靂勝於貔虎威
牧豎芸夫都易解苦思底用一枰圍

上將行邊幕府開英奇應辟廣招徠石溫當日知名士
房杜他年宰相寸布壘安營成勁旅六韜三畧妙兼賅
補之作序非游戲儼向沙場奏凱回

題家筱芸先生我渡我圖

六合以內皆迷津欲登彼岸愁無垠慈航寶筏在何許
可能渡盡人間人商家傳說作舟楫巨川汪洋資利涉
溺口已溺大禹憂決排永奠蛟龍窟聖賢佛祖罕異同
濟世要補天之功怪哉此圖我渡我儒耶釋耶計咸左
虛舟飄泊胡不繫逍遙自把中流舵先生推篷向我言
目前見慣狂瀾翻既不能乘風破浪學宗慤復不能揚

清激濁追屈原天人一漚聚泡幻笑他紛紛喚渡灘頭
喧吁嗟乎隨波逐流吾所恥與世浮沈真誤矣履險如
夷仗忠信直覺洪濤等杯水脫離坎窞大自在那至偶
乖儒釋理憶從龍眠山下來卅年萍泛珠江隈白髮蕭
疎侶鷗鷺天光雲影相徘徊我聞茲語頻太息宦海茫
茫空浪迹幾時戴笠傲漁父悠然共訪烟波宅先生渡
我莫遲疑試問塵中誰主客